



# **OKUBEERWA OKUVA WAGGULU**

**Byakunngaanyizibwa  
Watson Goodman**

**Ka Bwereere – Tekatundibwa**

## **OKUBEERWA OKUVA WAGGULU**

**“OKUBEERWA OKUVA WAGGULU” ke katabo akakunnga-anyizibwaamu ebyawandiikibwa ebifaanagana nga biggyibwa mu bitundu ebitali bimu ebya Bayibuli. Nzikiriza nti okunnyonnyola okusingira ddala okw’ebyawandiikibwa ye Bayibuli yennyini.**

Ekigambo kya Katonda kiva “waggulu” era mazima kya mugaso nnyo eri emitima egirumwa enjala n’ennyonta olw’obutuukirivu. Omuntu bwe yeenenya, naaleka ekibi, n’ayita Mukama Yesu Kristo okubeera mu mutima gwe, nakkiririza ddala n’omutima gwe Mukama Yesu Kristo ng’Omulokozi we, Mukama ajja kumwebikkulira era awe omutima gw’omukkiriza essanyu lye n’emirembe gye. Kino kyantuukako mu mwaka 1937 era okuva kw’olwo sisalangako okussa ekimu kuno okw’ekitalo ne Mukama. Nkukubiriza okwewaayo gy’ali kaakati ng’Omulokozi era Mukama wo bw’oba tonnaba kukikola. —Watson Goodman

# OKWAGALA KWA KATONDA

1

Abaruumi 5:8

Naye Katonda atenderezesa okwagala kwe ye gye tuli, kubanga bwe twali nga tukyalina ebibi Kristo n'atufiirira.

Yokaana 13:1

Naye embaga ey'Okuyitako yali nga tennatuuka, Yesu bwe yamanya ng'ekiseera kye kituuse okuva mu nsi muno okugenda eri Kitaawe, bwe yayagala ababe abali mu nsi, yabaagala okutuusa enkomerero.

Okubikulirwa 1:5

Era ebiva eri Yesu Kristo, omujulirwa omwesigwa, omuberebereye w'abafu, era afoga bakabaka b'omu nsi. Atewagala, era eyatu-

sumulula mu bibi byaffe olw'omusaayi gwe.

Yokaana 3:16

Kubanga Katonda bwe yayagala ensi bw'ati, n'okuwaayo n'awaayo Omwana we eyazaalibwa omu yekka, buli muntu yenna amukkiriza aleme okubula, naye abeere n'obulamu obutaggwaawo.

Yeremiya 31:3

Mukama yandabikira dda ng'a-yogera nti Weewaawo, nkwagadde n'okwagala okutaliggwaawo: kyenvudde nkuwalula n'ekisa.

Yokaana 15:13

Tewali alina kwagala kunene okusinga kuno omuntu okuwaayo obulamu bwe olwa mikwano gye.

# OBWAKATONDA BWA YESU KRISTO

1 Timoseewo 3:16

Era awatali kubuusabuusa ekyama eky'okutya Katonda kye kikulu; oyo eyalabisibwa mu mubiri, n'aweebwa obutuukirivu mu mwoyo, n'alabibwa bamalayika, n'abuulirwa mu mawanga, n'akkirizibwa mu nsi, n'atwalibwa mu kituibwa.

Ku lubereberye waaliwo Kigambo, Kigambo n'aba awali Katonda, Kigambo n'aba Katonda. . . . Kigambo n'afuuka omubiri, n'abeerako gye tuli (ne tulaba ekitiibwa kye, ekitiibwa ng'ekyoyo eyazaalibwa omu ye kka Kitaffe), ng'ajjudde ekisa n'amazima. —Yokaana 1:1, 14

Matayo 1:22, 23

Ebyo byonna byakolebwa, bituukirire mukama bye yayogera mu nnabbi, ng'agamba nti Laba, omuwala atamanyi musajja aliba olubuto, era alizaala omwana wa bulenzi, Balimutuu ma erinnya lye Emmanweri; eritegezebwa nti Katonda ali naffe.

Yokaana 14:9, 10

Yesu n'amugamba, nti Kasookedde mbeera nammwe, ebiro ebingi bwe bityo, era tontegeeranga, Firipo? Alabye ku nze, ng'alabye ku Kitange; kiki eki kwogeza ggwe nti Tulage Kitaffe? Tokkimza nga nze ndi mu Kitange, ne Kitange ali mu nze?

# YESU OMWANA WA KATONDA

3

1 Yokaana 4:15

Buli ayatula nga Yesu ye  
Mwana wa Katonda, Katonda,  
abeera mu ye, naye mu Katonda.

Abakkolosaayi 2:9

Kubanga mu oyo mwe mutuula  
okutuukirira kwonna okw'Obwa-  
katonda ng'omubiri bwe guli.

Kubanga omwana atuzaalidd-  
wa ffe, omwana ow'obulenzi awee-  
reddwa ffe; n'okufuga kunaaba-  
nga ku kibegabega kye: n'erinnya  
lye liriyitibwa nti Wa kitalo, Atee-  
sa ebigambo, Katonda ow'amaa-  
nyi, Kitaffe ataggwaawo, Omu-  
kulu ow'emirembe. —Isaaya 9:6

Ne malayika n'addamu n'amu-  
gamba nti Omwoyo Omutukuvu

alikujjira, n'amaanyi g'Oyo Ali  
waggulu ennyo galikusiikiriza:  
era ekyo ekirizaalibwa kyekiriva  
kiyitibwa ekitukuvu, Omwana wa  
Katonda.

—Lukka 1:35

Matayo 17:5

Bwe yali ng'akyayogera, laba,  
ekire ekimasamasa ne kibasiikiri-  
za: laba, eddoboozi ne liva mu  
kire, nga ligamba nti Ono ye  
Mwana wange gwe njagala, gwe  
nsanyukira ennyo; mumuwulire.

Kubanga nange ndi muntu mu-  
twalibwa, nga nnina baserikale be  
ntwala: bwe ijambu oyo nti Gen-  
da, agenda: n'omulala nti Jjangu,  
ajja; n'omuddu wange nti Kola  
oti, bw'akola. —Matayo 8:9

# YESU ATUTEGEEEZA NGA BW'AYITIBWA

**Yokaana 8:23**

N'abagamba nti Mmwe muli ba wansi; nze ndi wa waggulu mmwe muli ba mu nsi muno; nze siri wa mu nsi muno.

Yesu n'amugamba nti Nze kuzuukira, n'obulamu: akkiriza nze, newakubadde ng'afudde, aliba mulamu.

—Yokaana 11:25

**Yokaana 13:13**

Mmwe mumpita Muyigiriza era Mukama wammwe: era mwogera bulungi; kubanga bwe ndi.

**Yokaana 6:35**

Yesu n'abagamba nti Nze mmere ey'obulamu: ajja gye ndi enjala terimuluma, anzikiriza ennyonta terimuluma n'akatono.

**Yokaana 9:5**

Bwe mba mu nsi, ndi musana gwa nsi.

Yesu n'abagamba nti Ddala ddala mbagamba nti Ibulayimu nga tannaba kuzaalibwa, nze nga wendi.

—Yokaana 8:58

**Yokaana 10:7**

Awo Yesu n'abagamba nate nti Ddala ddala mbagamba nti Nze mulyango gw'endiga.

**Yokaana 4:25, 26**

Omukazi n'amugamba nti Mmanyi nga Kristo ajja (gwe bayita Eyafukibwako amafuta): ye bw'alijja alitubuulira abigambo byonna. Yesu n'amugamba nti Nze nzuuno ayogera naawe.

# EBIMU KU BY'AMAGERO YESU BYE YAKOLA 5

Matayo 14:19-21

N'ala gira ebibiina okutuula ku muddo; n'atwala emigaati etaano n'ebiyennyanja bibiri, n'atunula waggulu mu ggulu, ne yeebaza, n'amenyamu emigaati n'agiwa abayigirizwa, abayigirizwa ne bagabira ebibiina. Ne balya bonna, ne bakkuta: ne bakuŋjaanya obukunkumuka obwasigalawo, ebibbo kkumi na bibiri ebyajjula. N'abo abaalya baali abasajja ng'enkumi ttaano, abakazi n'abaana obutabassaako.

Matayo 20:30, 34

Laba, abazibe b'amaaso babiri abaali batudde ku mabbali g'e-kkubo, bwe baawulira nti Yesu

ayitawo, ne boogerera waggulu, nga bagamba nti Mukama waffe, tusaasire, omwana wa Dawudi. . . . Yesu n'akwatibwa ekisa, n'akoma ku maaso gaabwe: amangu ago ne balaba, ne bamugoberera.

Lukka 5:5, 6

Simooni n'addamu n'agamba nti Omwami, twateganye okukeesa obudde ne tutakwasa kintu: naye olw'ekigambo kyo nnaasuula emigonjo. Awo bwe baakola bwe batyo, ne bakwasa ebyennyanja bingi nnyo nnyini; emigonjo gyabwe ne gyagala okukutuka.

## **6 YESU KRISTO YE MUTONZI ERA MUKAMA**

**Abaebbulaniya 1:2**

Katonda... mu nnaku zino ez'oluvannyuma yayogerera naffe mu Mwana, gwe yassaawo okuba omusika wa byonna, era gwe yatonza ebintu byonna.

**Abarumi 14:9**

Kubanga Kristo kyeyava afa n'abeera omulamu, alyoke abeeringa Mukama w'abafu era n'abalamu.

**Abakkolosaayi 1:16**

Kubanga mu oyo ebintu byonna mwe byatonderwa, mu ggulu ne ku nsi, ebirabika n'ebitalabika, oba nga ntebe za bwakabaka, oba bwami, oba kufuga, oba

masaza; ebintu byonna byatondebwia ye, era ne ku lulwe.

**Yokaana 1:3**

Ebintu byonna byakolebwa ku bw'oyo; era awataali ye tewaakolebwa kintu na kimu ekyakolebwa.

**1 Abakkolinso 1:9**

Katonda mwesigwa, eyabayisa okuyingira mu kusseekimu kw'Omwana we Yesu Kristo Mukama waffe.

**Ebikolwa By'Abatume 2:36**

Kale mazima bamanye ennyumba yonna eya Isiraeri nti Katonda yamufuula Mukama era Kristo, Yesu oyo gwe mwakomerera.

# YESU KRISTO YE MULAMUZI WA BONNA 7

Ku lunaku Katonda kw'alisalira omusango gw'ebiyama by'abantu, ng'enjiri yange bw'eri, ku bwa Yesu Kristo. — Abarutumi 2:16

Matayo 25:32

N'amawanga gonna galiku-njaanyizibwa mu maaso ge; naye alibayawulamu ng'omusumba bw'ayawulamu endiga n'embuzi.

Kubanga Kitange n'okusala tasalira muntu musango, naye yawa Omwana okusala omusango gwonna. — Yokaana 5:22

Abaruumi 14:10

Naye ggwe kiki ekikusaliza omusango muganda wo? oba naawe kiki ekikuhayomesa muganda wo? kubanga fenna tuliyi-

mirira mu maaso g'entebe ey'e-misango eya Katonda.

Nkukuutirira mu maaso ga Katonda ne Kristo Yesu, alisalira omusango abalamu n'abafu, era n'olw'okulabika kwe n'obwakaka bwe. — 2 Timoseewo 4:1

Ebikolwa By'Abatume 10:42

N'atulagira okubuulira abantu n'okutegeeza ng'oyo Katonda gwe yalagira okubeera omusazi w'omusango w'abalamu n'abafu.

Olugali lwe luli mu mukono gwe, okulongoosa ennyo egg-uuliro lye, n'okukunjaanyiza ejjaano mu ggwanika lye; naye ebisusunku alibyokya n'omuliro ogutazikira. — Lukka 3:17

## EKINUNULO KIRI MU YESU YEKKA

### Yokaana 10:9

Nze mulyango: omuntu bw'ayi-  
ngirira mu nze alirokoka, ali-  
yingira, alifuluma, aliraba eddu-  
ndiro.

### Yokaana 14:6

Yesu n'amugamba nti Nze kku-  
bo, n'amazima n'obulamu: tewali  
ajja eri Kitange, wabula ng'ayita  
mu nze.

### Yokaana 8:24

Kyennava mbagamba nti Muli-  
fira mu bibi byammwe. Kubanga  
bwe mutakkiriza nga nze wuuyo,  
mulifiira mu bibi byammwe.

### Abaebbulaniya 5:9

Awo bwe yamala okutuukirizi-  
bwa, n'afuuka ensonga y'obuloko-

zi obutaggwaawo eri abo bona  
abamuwlira.

### Abaebbulaniya 7:25

Era kyava ayinza okulokolera  
ddala abajja eri Katonda ku  
bubwe, kubanga abeera mulamu  
ennaku zonna okubawolerezanga.

### Ebikolwa By'Abatume 4:12

So tewali mu mulala bulokozi,  
kubanga tewali na linnya ddala  
wansi w'eggulu eryaweebwa aba-  
ntu eritugwanira okutulokola.

### 1 Abasessalonika 5:9

Kubanga ffe Katonda teyatuteekerawo busungu, wabula oku-  
weebwa obulokozi ku bwa Mukama waffe Yesu Kristo.

# EKINUNULO KIRI MU YESU YEKKA

9

Abakkolosaayi 1:12-14

Nga mwebaza Kitaffe, eyatusaanyiza ffe omugabo ogw'obusika obw'abatukuvu mu musana, eyatulokola mu buyinza obw'ekizikiza, n'atutwala mu bwakabaka obw'Omwana we omwagalwa; mwe tubeerera n'okununulwa, kwe kusonyiyibwa kw'ebibi byaffe.

Lukka 19:10

Kubanga Omwana w'omuntu yajja okunoonya n'okulokola ekyo ekyabula.

1 Abakkolinso 1:30

Naye ku bw'oyo mmwe muli mu Kristo Yesu, eyafuuka amagezi

gye tuli okuva eri Katonda, era n'obutuukirivu, n'okutukuzibwa, n'okununulibwa.

Tito 2:14

Eyeewaayo ku Iwaffe, alyoke atununule mu bujeemu bwonna, era yeerongooseze eggwanga ery'envuma, erinyiikirira ebi kolwa ebirungi.

Okubikkulirwa 5:9

Ne bayimba oluyimba oluggya, nga boogera nti Osaanidde okutoola ekitabo n'okubembula obubonero bwakyo: kubanga wattibwa n'ogulira Katonda olw'omusaayi gwo mu buli kika n'olulimi n'abantu n'eggwanga.

## 10 OMUTANGO OGW'OMUSAAYI GWA KRISTO

Abaruumi 5:9

Kale okusinga ennyo kaakano bwe twaweebwa obutuukirivu olw'omusaayi gwe, tugenda kulkoka mu busungu ku bubwe.

Abaefeso 1:7

Eyatuvwxyzsa okununulibwa kwaffe olw'omusaayi gwe, okusonyiyibwa ebyonoono byaffe, ng'obugagga obw'ekisa kye bwe buli.

1 Yokaana 1:7

Naye bwe tutambulira mu musana, nga ye bw'ali mu musana, tussa kimu fekka na fekka, n'omusaayi gwa Yesu Omwana we gutunaazaako ekibi kyonna.

1 Peetero 1:18, 19

Nga mumanyi nga temwanunulibwa na bintu eboggwaawo, ffeeza oba zaabu, mu mpisa zammwe ezitaliimu ze mwaweebwa bajajjammwe; wabula n'omusaayi ogw'omuwendo omungi, ng'ogw'omwana gw'endiga ogutaliiko bulema newakubadde ebbala, ye Kristo.

Abaebbulaniya 9:14

Omusaayi gwa Kristo, eyewaa-yo yekka olw'Omwoyo ataggwaa-wo eri Katonda nga taliiko bulema, tegulisinga nnyo okunaaza omwoyo gwammwe mu bikolwa ebifu okuweereza. Katonda omulamu?

# OBULOKOZI OLW'OKUKKIRIZA MU KRISTO 11

Abaefeso 2:8, 9

Kubanga mwalokoka lwa kisa lwa kukkiriza; so tekwava gye muli: kye kirabo kya Katonda: tekwava mu bikolwa, omuntu yenna aleme okwenyumirizanga.

Abaruumi 5:1

Kale bwe twaweebwa obutuukirivu olw'okukkiriza, tubeerenga n'emirembe eri Katonda ku bwa Mukama waffe Yesu Kristo.

Abaggalatiya 5:6

Kubanga mu Kristo Yesu okukomolebwa tekulina maanyi ne-wakubadde obutakomolebwa, wabifa okukkiriza okukola olw'okwagala.

1 Yokaana 5:4

Kubanga buli ekyazaalibwa Katonda kiwangula ensi; era kuno kwe kuwangula okwawangula ensi, okukkiriza kwaffe.

Yokaana 20:31

Naye buno bwawandiikibwa, mulyoke mukkirize nti Yesu ye Kristo, Omwana wa Katonda; era bwe mukkiriza mube n'obulamu mu linnya lye.

Yokaana 6:28, 29

Awo ne bamugamba nti Tugire tutya okukola emirimu gya Katonda? Yesu n'addamu n'abagamba nti Guno gwe mulimu gwa Katonda, okukkiriza oyo gwe yatuma.

## OKUSAASIRA KWA KATONDA

### Zabbuli 103:11

Kuba eggulu nga bwe liri waggulu okusinga epsi, n'okusaasira kwe bwe kuli okungi bwe kutyo eri abo abamutya.

### Zabbuli 103:17

Naye okusaasira kwa Mukama kwava mu mirembe gyonna era kulitunka mu mirembe gyonna eri abamutya, n'obutuukirivu bwe eri abaana b'abaana.

### Mikka 7:18

Ani Katonda nga ggwe asonyiwa obubi, ayita ku kwonoona okw'abasigalawo ab'obutaka bwe? talemera mu busungu bwe emirembe gyonna kubanga asanyukira okusaasira.

### Zabbuli 108:4

Kubanga okusaasira kwo kungi, kusinga eggulu: n'amazima go ga-tuuka mu ggulu.

### Okukungubaga 3:22, 23

Kwe kusaasira kwa Mukama ffe obutamalwawo, kubanga eki-sa kye tekiggwaawo. Kiba kiggya buli nkya; obwesigwa bwo bungi.

### Tito 3:5

N'atulokola, si lwa bikolwa eby'omu butuukirivu bye twakola ffe wabula olw'okusaasira kwe, olw'okunaazibwa okw'okuzaali-bwa omulundi ogw'okubiri n'oku-fuulibwa abaggya Omwoyo Om-tukuvu.

# KATONDA ATULAGIRA OKUJJA GY'ALI 13

Matayo 11:28

Mujje gye ndi, mmwe mwenna abakooye era abazitoowereddwa, nange nnaabawummuza.

Isaaya 55:1

Mukale, buli muntu alumiddwa ennyonta, mujje eri amazzi, n'oyo atalina bigula; mujje mugule mulye; weewaawo, mujje, mugule omwenge n'amata awatali bigula awatali muwendo.

Isaaya 1:18

Mujje nno, tuteese fembi, bw'a-yogera Mukama: ebibi byammwe ne bwe biba ng'olugoye olumyufu, binaaba byeru ng'omuzira; ne bwe bitwakaala ng'ebendera, binaaba ng'ebyoya by'endiga.

Okubikkulirwa 22:17

Era Omwoyo n'omugole boogra nti Jjangu. Naye awulira ayo-gere nti Jjangu. Naye alina ennyonta ajje: ayagala atwale amazzi ag'obulamu buwa.

2 Abakkolinso 5:20

Kyetuva tubeera ababaka mu kifo kya Kristo, Katonda ng'a-faanana ng'abeegayirira mu ffe: tubeegayirira mu kifo kya Kristo mutabagane ne Katonda.

Yokaana 7:37

Naye ku lunaku olw'enkomero, lwe lukulu olw'embaga, Yesu yayimirira n'ayogerera waggulu, n'agamba nti Omuntu bw'alumwa ennyonta, ajje gye ndi anywe.

## 14 ABANTU BONNA SI BAANA BA KATONDA

### 1 Yokaana 3:10

Ku kino abana ba Katonda n'abaana ba Setaani kwe balabikira: buli muntu yenna atakola butuukirivu si wa Katonda, newakubadde atayagala muganda we.

### Abaruumi 8:14, 15

Kubanga bona abakulembewa Omwoyo gwa Katonda, abo be baana ba Katonda. Kubanga temwaweebwa nate mwoyo gwa buddu okutya, naye mwaweebwa Omwoyo ow'okufuuka abaana, atukaabya nti Aba, Kitaffe.

### Abafiripi 2:15

Mulemenga okubaako kye munenyezebwa newakubadde ettim, abaana ba Katonda abatalina ma-

bala wakati w'emirembe egyakyma emikakanyavu, gye mulabikiramu ng'ettabaaza z'omu nsi.

### 2 Abakkolinso 6:17, 18

Kale Muke wakati w'abo, mweyawule, bw'ayogera Mukama, so temukomanga ku kintu ekitali kিrongoofu: nange ndibasembeza, era nnaabeeranga Kitammwe gye muli, Nammwe munaabeeranga gye ndi abaana ab'obulenzi n'ab'obuwala, bw'ayogera Mukama Omuyinza w'ebintu byonna.

### Yokaana 1:12

Naye bona abaamusembeza yabawa obuyinza okufuuka abaana ba Katonda, be bakkiriza tifinya iye.

# KATONDA KY'AGAMBA KU KUNYWA EKITAMIIZA

15

## Isaaya 5:11

Zibasanze abo abakeera enkya mu makya okugolokoka, bagoberebere ekitamiiza; abalwawo ekiro okutuusa ettumbi omwenge ne gubalalusa!

## Abaggalatiya 5:19-21

Naye ebikolwa by'omubiri byalwatu, bye bino, obwenzi, empitamby, obukaba, okusinza ebifaananyi, okuloga, obulabe, okuyumba, obuggyga, obusungu, empa-ka, okweyawula, okwesalamu, ettila, obutamiivu, ebinyumu, n'ebiri ng'ebyo: nsooka okubabuulira ku ebyo, nga bye nnasooka okubabuulira, nti bali abakola

ebiri ng'ebyo tebalisikira bwa-kabaka bwa Katonda.

## Abaruumi 13:13, 14

Tutambulenga nga tuwoomye nga mu musana, si mu binyumu ne mu mbaga ez'okutamiiranga, si mu bwenzi n'obukaba, si mu kuyombanga n'obuggyga. Naye mwa-mbale Mukama waffe Yesu Kristo, so temutegekeranga mubiri, olw'okwegomba.

Totunuuliranga mwenge nga gumyuse, bwe gwolesanga ebbala lyagwo mu kikompe, bwe gukka empola: enkomerero guluma ng'omusota, gusonsomola ng'embalasaasa. —Engero 23:31, 32

## OKUBA AB'AMAZIMA TEKIMALA

**Matayo 22:37, 38**

**Naye n'amugamba nti Yagalanga Mukama Katonda wo n'omutima gwo gwonna, n'obulamu bwo bwonna, n'amagezi go gonna. Kino kye kiragiro ekikulu eky'o-lubereberye.**

Bwe yali ng'agenda mu kkubo, omu n'ajja gy'ali ng'addukana, n'amufukaamirira, n'amubuuza nti Omuyigiriza omulungi, naakola ntua okusikira obulamu obutaggwaawo? Yesu n'amugamba nti Ompitira ki omulungi? tewali mulungi wabula omu, ye Katonda. Omanyi amateeka, Tottanga, Toyendanga, Tobbanga, Towaayirizanga, Tolyazaamaanyanga,

Ossangamu ekitiibwa kitaawo ne nnyoko. N'amugamba nti Omuyigiriza, ebyo byonna nnabikwata okuva mu buto bwange. Yesu bwe yamutunuulira n'amwagala, n'amugamba nti Oweebuuseeko ekgambo kimu: genda otunde byonna by'oli nabyo, ogabire abaa-vu, naawe oliba n'obugagga mu ggulu: olyoke ojje ongoberere. Naye n'atokooterera olw'ekigambo ekyo, n'agenda ng'anakuwadde; kubanga yali alina ebintu bingi.

—Makkol10:17-22

**Engero 16:25**

Waliwo ekkubo omuntu ly'a-yita eddungi; naye enkomerero, yaalyo makubo ga kufa.

## TEMULIMBIBWANGA

**Abaefeso 5:6**

Omuntu yenna tabalimbanga n'ebigambo ebitaliimu: kubanga olw'ebyo obusungu bwa Katonda bujja ku baana abatawulira.

**Yakobo 1:22**

Naye mubeerenga bakozi ba kigambo, so si bawulizi buwulizi, nga mwerimbalimba.

**1 Abakkolinso 6:9, 10**

Oba temumanyi ng'abatali batuukirivu tebalisikira bwakabaka bwa Katonda? Temulimbibwanga: newakubadde abakaba, newakubadde abasinza ebifaananyi, newakubadde abenzi, newakubadde abafuuka abakazi, newaku-

badde abalya ebisiyaga, newakubadde ababbi, newakubadde abee-gombi, newakubadde abatamiivu, newakubadde abavumi, newakubadde abanyazi, tebalisikira bwakabaka bwa Katonda.

**1 Yokaana 3:7, 8**

Abaana abato, omuntu yenna tabakyamyanga; akola obutuukirivu ye mutuukirivu, nga ye bw'ali omutuukirivu; akola ekibi wa Setaani; kubanga okuva ku lubereberye Setaani akola ebibi.

**Abaggalatiya 6:3**

Kubanga omuntu bwe yeero-woozanga okuba ekintu, nga si kintu nga yeerimbalimba.

## EKIBI KIREETA OKUFA

### Abaruumi 5:12

**Olw'ebyo, nga ku bw'omuntu omu ekibi bwe kyayingira mu nsi, okufa ne kuyingira olw'ekibi, bwe kityo okufa ne kubuna ku bantu bona, kubanga bona baayonoona.**

### Yakobo 1:15

**Okwegomba okwo ne kulyoka kuba olubuto ne kuzaala okwo-noona: n'okwonoona okwo, bwe kumala okukula ne kuzaala okufa.**

### Abaruumi 8:6

**Kubanga okulowooza kw'ombiri kwe kufa; naye okulowooza kw'omwoyo bwe bulamu n'emire-mbe.**

### Ezeekyeri 18:20

**Emmeeme eyonoona ye erifa: omwana talibaako butali butuu-kirivu bwa kitaawe, so ne kitaawe talibaako butali butuukirivu bwa mwana we; obutuukirivu obw'o-mutuukirivu buliba ku ye, n'obubi obw'omubi buliba ku ye.**

### Lukka 15:32

**Naye okujaguza n'okusanyuka kwa nsonga: kubanga muganda wo oyo yaii afudde, azuukidde; era yali azaaye, azaawuse.**

### Engero 11:19

**Anywerera mu butuukirivu ye alituuka mu bulamu: n'oyo agoberera obubi yetta yekka.**

## Lukka 7:14, 15

N'asembera n'akoma ku lunnyo: bali abaali beetisse ne bayimirira. N'agamba nti Omulenzi, nkugamba nti Golokoka. Oyo eyali afudde n'agolokoka, n'a-tuula n'atanula okwogera.

## Yokaana 11:43, 44

Bwe yamala okwogera bw'ati, n'ayogerera waggulu n'eddoboozi ddene nti Lazaalo, fuluma ojje. Eyali afudde n'afuluma, ng'azinngiddwa mu mabugo amagulu n'emikono; . . .

## Yokaana 10:17, 18

Kitange kyava anjagala, kubanga nze mpaayo obulamu bwanje, ndyoke mbutwale ate. Tewali

abunziyako, naye nze nzekka mbuwaayo. Nnina obuyinza obw'okubuwaayo, era nnina obuyinza obw'okubutwala nate. Eki-ragiro ekyo nakiweenwa Kitange.

## Okubikkulirwa 1:18

Era Omulamu; era nnali nfudde, era, laba, ndi mulamu emirembe n'emirembe, era nnina ebisumu-luzo eby'okufa n'eby'Emagombe.

Kubanga nnasooka okubawa mmwe era kye nnaweebwa, nga Kristo yafa olw'ebibi byaffe ng'ebyawandiikibwa bwe byogera; era nga yaziikibwa; era nga yazuukizibwa ku lunaku olw'okusatu ng'ebyawandiikibwa bwe byogera. —1 Abakkolineo 15:3, 4

Ekyamateeka Olw'okubiri 5:7-21  
 Tobanga na bakatonda balala  
 we ndi.

Tweekoleranga kifaananyi kyole, ekifaananyi ky'ekintu kyonna ekiri mu ggulu waggulu, newakubadde wansi ku ttaka, newakubadde mu mazzi agali wansi w'ettaka: tobivuunamiranga, so tobiweerezanga . . . .

Tolayiriranga bwereere linnya lya Mukama Katonda wo: kubanga Mukama talimulowooza nga taliiko musango omuntu alayirira obwereere erinnya lye. Okwatanga olunaku olwa ssabbiiti okulu-tukuza, nga Mukama Katonda wo bwe yakulagira. Ennaku omukaa-

ga okolanga n'omala emirimu gyo gyonna . . . .

Kitaawo ne nnyoko obassangamu ekitiibwa, nga Mukama Katonda wo bwe yakulagira: ennakku zo zibe: nnyingi, era olabe ebirungi ku nsi Mukama Katonda wo gy'akuwa.

Tottanga.

So toyendanga.

So tobbanga.

So towaayirizanga muntu munno.

So teweegombanga mukazi wa muntu munno, so toyaayaaniranga nnyumba ya muntu munno, newakubadde ennimiro ye, newakubadde omuddu we, newakuba-

dde omuzaa we, newakubadde  
ente ye newakubadde endogoyi

ye, newakubadde ekintu kyonna  
ekya muntu munno.

## TOYINZA KWEKWEKA KATONDA

21

**Yobu 34:21, 22**

Kubanga amaaso ge gatunuuli-  
ra amakubo ag'omuntu, era alaba  
okutambula kwe kwonna. Tewali  
kizikiza newakubadde ekisiikirize  
eky'okufa, abakola ebitali bya  
butuukirivu we bayinza okwe-  
kweka.

**Engero 15:3**

Amaaso ga Mukama gaba mu-  
buli kifo, nga galabirira ababi n'a-  
balungi.

**Zabbuli 139:8, 12**

Bwe nnaalinya mu ggulu, nga  
gy'oli: bwe nnaayala obuliri bwa-  
nge mu magombe, laba, nga gy'o-

li... Newakubadde enzikiza te-  
yekisa eri ggwe, naye ekiro kya-  
ka ng'omusana: Kubanga enzikiza  
n'omusana bifanana w'oli.

**Yeremiya 23:24**

Waliwo ayinza okwekweka mu-  
bifo eby'ekyama ne simulaba?  
bw'ayogera Mukama. Sijjula  
ggulu n'eñsi? bw'ayogera Muk-  
ama.

**Lukka 8:17**

Kubanga tewali kigambo eky-  
kisibwa ekitalirabisibwa; newa-  
kubadde ekyakwekebwa ekitali-  
manyibwa ne kirabika mu lwatu.

## **22 EKIBONEREZO EKY'EMIREMBE N'EMIREMBE EKY'ABATATYA KATONDA**

### **2 Peetero 3:7**

**Naye eggulu erya kaakano n'ensi olw'ekigambo ekyo biterekedwa omuliro, nga bikuumibwa okutuusa ku lunaku olw'omusango n'okuzikirira kw'abantu abatatyatya Katonda.**

### **Zabbuli 9:17**

**Ababi balidda mu magombe. Ge mawanga gonna ageerabira Katonda.**

### **Matayo 18:8**

**Oba ng'omukono gwo oba kugulu kwo nga kukwesittaza, kute-meko, okusuule wala: kye kirungi oyungire mu bulamu ng'obuzeeko omukono oba kugulu, okusinga**

**okusuulibwa mu muliro ogw'e-mirembe n'emirembe, ng'olina emikono gyombi oba amagulu gombi.**

### **Matayo 25:46**

**Ne bano baligenda mu kibonerezo ekitaggwaawo; naye abatuukirivu baligenda mu bulamu obutaggwaawo.**

### **Matayo 13:41, 42**

**Omwana w'omuntu alituma bamalayika be, nabo baliggyamu mu bwakabaka bwe ebintu byonna ebisittaza, n'abo abakola obubi, balibasuula mu kikoomi eky'omuliro: mwe muliba okukaba amaziga n'okuluma obujiji.**

Ebikolwa By'Abatume 17:31  
Kubanga yateekawo olunaku  
lw'agenda olusaliramu omusango  
ogw'ensonga ensi zonna mu mu-  
ntu gwe yayawulamu, bwe yama-  
la okuwa bonne ekikkirizisa bwe  
yamuzuukiza mu bafu.

## 2 Peetero 2:9

Mukama waffe amanyi okulo-  
kola abatya Katonda mu kuke-  
mebwa, n'okukuumia abatali ba-  
tuukirivu nga babonerezebwa  
okutuusa ku lunaku olw'omusa-  
ngo.

## 1 Yokaana 4:17

Mu ekya okwagala mwe kutuu-  
kirizibwa gye tuli tubeere n'obu-

gumu ku lunaku olw'omusango;  
kuba ye nga bw'ali, naffe bwe tuli  
mu nsi muno.

## Abaebbulaniya 9:27

Era ng'abantu bwe baterekirwa  
okufa omulundi ogumu, oluva-  
nnyuma lw'okwo musango.

## 2 Abakkolinso 5:10

Kubanga ffe fenna kitugwanira  
okulabisibwa Kristo w'alisaalira  
emisango; buli muntu aweebwe  
bye yakola mu mubiri, nga bwe  
yakola, oba birungi oba bibi.

## Abarumi 14:12

Kale bwe kityo buli muntu mu  
ffe alibalirira omuwendo gwe  
yekka eri Katonda.

## EKISA KYA KRISTO

**Abaruumi 9:16**

Kale bwe kityo si ky'oyo aya-gala newakubadde addukana, wa-bula kya Katonda asaasira.

Kubanga Katonda aziyiza ab'a-malala, naye abawombeefu abawa ekisa.

—1 Peetero 5:5

**Ebikolwa By'Abatume 4:33**

N'amaanyi mangi abatume ne boogeranga okutegeeza kwabwe okw'okuzuukira kwa Mukama waffe Yesu. N'ekisa kingi ne kibeeranga ku bo bona.

**Abaruumi 5:15**

Naye ng'okwonoona kuli bwe kwali, era n'ekirabo tekyali bwe kityo. Kuba obanga olw'okwonoo-na kw'omu abaafa bangi, oku-

singa ennyo ekisa kya Katonda n'ekirabo olw'ekisa ky'omuntu oli omu Yesu Kristo. kyasukkirira okubuna abangi.

Kubanga mutegeera ekisa kya Mukama waffe Yesu Kristo, nti bwe yali omugagga, naye n'afuu-ka omwavu ku lwammwe, obwavu bwe bulyoke bubagaggawaze mmwe.

—2 abakkolinso 8:9

**2 Abakkolinso 9:15**

Katonda yeebazibwe olw'ekirabo kye ekitayogerekeka.

**Tito.3:7**

Nga tumaze okuweebwa obutuukirivu olw'ekisa kye oyo, tulioke tufuuke abasika mu kusubira obulamu obutaggwaawo.

## OKWENENYA

**Ebikolwa By'Abatume 17:30**  
**Kale Katonda ebiro ebyo eby'o-butamanya teyabitunuuliranga; naye kaakano alagiraabantu bonna abali wonna wonna okwene-nya.**

**Lukka 13:3**

**Mbagamba nti Si bwe kityo: naye bwe muteenensa, mulizikirira mwenna bwe mutyo.**

**Ebikolwa By'Abatume 3:19**

**Kale mwenenye, mukyuke, ebibi byammwe bisangulibwe, ebiro eby'okuwummuzibwa mu masso ga Mukama bituuke.**

**Ebikolwa By'Abatume 2:38**

**Peetero n'abagamba nti Mwenenye, mubatizibwe buli muntu**

**mu mmwe okuyingira mu linnya lya Yesu Kristo okuggibwako ebibi byammwe, munaaweebwa ekirabo gwe Mwoyo Omutukuvu.**

**2 Abakkolinso 7:10**

**Kubanga okunakuwala eri Katonda kuleeta okwenenya okw'obulokozi okutejjusibwa: naye okunakuwala okw'omu nsi kuleeta okufa.**

**Matayo 3:2**

**Ng'agamba nti Mwenenye; kubanga obwakabaka obw'omunggulu bunaatera okutuuka.**

**Abikka ku kusobya kwe taliraba mukisa: Naye buli akwatala n'akuleka alifuna okusaa-sirwa. —Engero 28:18**

# OKUSONYIYIBWA EBIBI

**Matayo 6:14**

Kubanga bwe munaasonyiwanga abantu ebyonoono byabwe, Kitammwe ali mu ggulu anaabasonyiwanga nammwe.

**Ezeekyeri 18:21**

Naye omubi bw'akyukanga okuleka ebibi bye byonna bye yakola n'akwata amateeka gange gonna, n'akola ebyalagirwa eby'ensonga, talirema kuba mulamu, talifa.

Laba, nnyimiridde ku luggi, nneeyanjula: omuntu yenna bw'awulira eddoboозi lyange, n'aggulawo oluggi, nnaayingira gy'ali, era nnaaliira wamu naye, naye nange. —Okubikkulirwa 3:20

**Isaaya 55:7**

Omubi aleke ekkubo lye, n'omuntu atali mutuukirivu aleke ebirowoozo bye: era akomewo eri Mukama, naye anaamusaasira; adde eri Katonda waffe, kubanga anaasonyiyira ddala nnyo.

**Ebikolwa By'Abatume 5:31**

Oyo Katonda yamulinnyisa ku mukono gwe ogwa ddyo okubeera omukulu era omulokozi, okuwayo eri Isiraeri okwenenya n'okuggibwako ebibi.

**Makko 2:5**

Yesu bwe yalaba okukkiriza kwabwe n'agamba akoozimbye nti Mwana wange, ebibi byo bikuggiddwako.

Abakkolosaayi 3:2

Mulowoozenga ebiri waggulu,  
so si ebiri ku nsi.

Tito 2:11, 12

Kubanga ekisa kya Katonda ki-  
rabise, nga kireetera abantu bo-  
nna obulokozi, nga kitubuulirira  
okugaananga obutatya Katonda  
n'okwegomba okw'omu nsi, tu-  
lyoke tubeerenga abalamu mu mi-  
rembe egya kaakano mu kwege-  
ndereza n'obutuukirivu n'okutya  
Katonda.

1 Yokaana 2:15, 16

Temwagalanga nsi newakuba-  
dde ebiri mu nsi. Omuntu yenna  
bw'ayagala ensi, okwagala kwa  
Kitaffe tekuba mu ye. Kubanga

buli ekiri mu nsi, okwegomba  
kw'omubiri, n'okwegomba kw'a-  
maaso, n'okwegulumiza kw'obu-  
lamu okutaliimu, tebiva eri Ki-  
taffe, naye biva eri ensi.

Abaefeso 5:11

So temussanga kimu n'ebiko-  
lwa ebitabala eby'ekizikiza, naye  
waakiri mubibuulirirenga bubuu-  
lirizi.

Yakobo 4:4

Mmwe abakazi abenzi temuma-  
nyi ng'omukwano gw'ensi bwe  
bulabe bwa Katonda? Kale, omu-  
ntu yenna bw'ayagala okubeera  
mukwano gw'ensi yeefuula mula-  
be wa Katonda.

## Ezeekyeri 36:26

Era ndibawa n'omutima omuggya, ne nteeka omwoyo omuggya munda mu mmwe: era ndiggya omutima ogw'ejjinja mu mubiri gwammwe ne mbawa omutima ogw'ennyama.

## 1 Yokaana 2:29

Oba nga mumanyi nga mutuukirivu, era mutegeera nga buli muntu yenna akola obutuukirivu yazaalibwa ye.

## 2 Abakkolinso 5:17

Omuntu yenna bw'aba mu Kristo kyava abeera ekitonde ekiggya: eby'edda nga biwedde wo; laba, nga bifuisse biggya.

## 1 Yokaana 5:18

Tumanyi nga buli muntu yenna eyazaalibwa Katonda takola kibi; naye eyazaalibwa Katonda amukuma, omubi n'atamukomako.

## Yokaana 3:3

Yesu n'addamu n'amugamba nti Ddala ddala nkugamba nti Omuntu bw'atazaalibwa mulundi gwa kubiri tayinza kulaba bwakabaka bwa Katonda.

## 1 Peetero 1:23

Bwe mwazaalibwa omulundi ogw'okubiri, si na nsigo eggwaa wo, wabula eteggwaawo, n'ekigambo kya Katonda ekiramu eky'o lubeerera.

# OMUFU ERI EKIBI – AZUUKIRIDDE MU KRISTO

29

## Abaefeso 2:1, 6

Era nammwe yabazuukiza bwe mwali nga mufiiridde mu byonono n'ebibi byammwe, . . . n'atuzuukiza wamu naye, n'atutuuza wamu mu bifo eby'omu ggulu mu Kristo Yesu.

## Abakkolosaayi 3:1

Kale oba nga mwazuukirira wamu ne Kristo, munoonyenga ebiri waggulu, Kristo gy'ali ng'a-tudde ku mukono ogwa ddyo ogwa Katonda.

## 1 Peetero 2:24

Eyeetikka ye yennyini ebibi byaffe mu mubiri gwe ku muti, ffe

nga tumaze okufa ku bibi, tulyoke tubeerenga abalamu eri obutuukirivu; okukubibwa kw'oyo kwe kwabawonya.

## Abaggalatiya 5:24

N'abo aba Kristo Yesu baakomerera omubiri wamu n'okukwabitwa n'okwegomba kwagwo.

## Abaruumi 6:2, 11

Abaafa ku kibi, tunaabeeranga tutya abalamu mu kyo nate? . . . Bwe mutyo nammwe mwerowoozenga okubeera abafa ku kibi, naye abalamu eri Katonda mu Kristo Yesu.

# OBULAMU OBUTAGGWAAWO

**Abaggalatiya 6:8**

Kubanga asigira omubiri gwe ye, alikungula mu mubiri okuvunda; naye asigira Omwoyo, alikungula mu Mwoyo obulamu obutaggwaawo.

**Yokaana 3:14, 15**

Nga Musa bwe yawanika omusota ma ddungu, bwe kityo n'Omwana w'omuntn kimugwanira okuwanikibwa: buli muntu yenna amukkiriza abeere n'obulamu obutaggwaawo mu ye.

**Yokaana 17:3**

Buno bwe bulamu obutaggwaawo, okutegeera ggwe Katonda omu ow'amazima, n'oyo gwe watuma, Yesu Kristo.

**Yokaana 3:36**

Akkiriza Omwama alina obulamu obutaggwaawo; naye atakkiriza Mwana, taliraba bulamu, naye obusungu bwa Katonda bubeera ku ye.

**Abaruumi 6:23**

Kubanga empeera y'ekibi kwe kufa; naye ekirabo kya Katonda bwe bulamu obutaggwaawo mu Kristo Yesu Mukama waffe.

**Yokaana 5:24**

Ddala ddala mbagamba nti Awulira ekigambo kyange, n'akkiriza oyo eyantuma, alina obulamu obutaggwaawo, so talijja mu musango, naye ng'avudde mu kufa okutuuka mu bulamu.

# OBUKAKAFU OBW'OBULOKOZI

31

Isaaya 32:17

N'omulimu gw'obutuukirivu  
guliba mirembe; era obutuukiri-  
vu bulireeta okutereera n'okwesi-  
ganga ennaku zonna.

Abaggalatiya 4:6

Era kubanga muli baana,  
Katonda yatuma Omwoyo gw'O-  
mwana we mu mitima gyaffe,  
ng'akaaba nti Aba, Kitaffe.

Abaruumi 8:16

Omwoyo yennyini wamu n'o-  
mwoyo gwaffe ategéeza nga tuli  
baana ba Katonda.

1 Yokaana 3:18, 19

Abaana abato, tuleme okwaga-  
langa mu kigambo ne mu lulimi,  
wabula mu kikolwa ne mu mazi-

ma. Ku kino kwe tunaategeere-  
ranga nga tuli ba mazima ne tu-  
kkakkanya omutima gwaffe mu  
maaso ge.

1 Yokaana 2:3

Era ku kino kwe tutegeerera  
nga tumutegedde, bwe tukwata  
ebiragiro bye.

Yokaana 14:21

Alina ebiragiro byange, n'abi-  
kwata, oyo nga ye anjagala: anja-  
gala anaayagalibwanga. Kitange,  
nange nnaamwagalanga, nnaa-  
mulabikiranga.

1 Yokaana 4:13

Ku kino kwe tutegeerera nga tu-  
beera mu ye, naye mu ffe, ku-  
banga yatuwa ku Mwoyo gwe.

## KRISTO BW'ABEERA MUNDA AGABA ESSANYU

**Yokaana 17:13**

Naye kaakano njija gy'oli; na bino mbyogera mu nsi babe n'essanyu lyange nga lituukiridde mu bo.

**Abaruumi 14:17**

Kubanga obwakabaka bwa Katonda si kwe kulya n'okunywa, wabula butuukirivu na mirembe na ssanyu mu Mwoyo Omutuku-vu.

**Abaggalatiya 2:20**

Nnakomererwa wamu ne Kristo; naye ndi mulamu; si ku bwange nate, naye Kristo ye mulamu mu nze: era obulamu bwe nnina kaakano mu mubiri,

mbulina lwa kukkiriza Omwana wa Katonda eyanjagala ne yewaayo ku lwange.

**Isaaya 12:3**

Kyemunaavanga musenanga n'essanyu amazzi mu nzizi ez'obulokozi.

**Yokaana 15:11**

Ebyo mbibagambye, essanyu lyange libeerenga mu mmwe, era essanyu lyammwe lituukirire.

**Zabbuli 16:11**

Onondaganga ekkubo ery'obulamu: Gy'oli waliwo essanyu erituuukirira; mu mukono gwo ogwa ddyo mwe muli ebisanyusa emirembe n'emirembe.

# OKUGONDERA MUKAMA KWETAAGISA 33

1 Samwiri 12:15

Naye bwe mutaawulirenga ddo-boozi lya Mukama, naye ne mu-jeemeranga ekiragiro kya Mukama, awo omukono gwa Mukama gunaalwananga nammwe nga bwe gwalwananga ne bajajjammwe.

Kubanga abawulira obuwulizi amateeka si be batuukirivu eri Katonda, naye abakola eby'ama-teeka be baliweebwa obutuuki-rivu.  
—Abaruumi 2:13

Era nammwe ababonyaabonye-zebwa okubasasula okwesiima awamu naffe, mu kubikkulibwa kwa Mukama waffe Yesu okuva mu ggulu awamu ne bamalayika ab'obuyinza bwe, mu muliro

ogwaka, ng'awalana eggwanga abatamanyi Katonda, n'abo aba-tagondera njiri ya Mukama waffe Yesu: abalibonerezebwa, kwe ku-zikirira emirembe n'emirembe okuva mu maaso ga Mukama waffe ne mu kitii'bwa ky'amaa-nyi ge. —2 Abasesalonika 1:7-9

Ekyamateeka Olw'okubiri  
11:26-28

Laba, leero, nteeka mu masso gammwe omukisa n'okukolimi-rwa; omukisa bwe munaawulira-nга ebiragiro bya Mukama Ka-tonda wammwe, bye mbalagira leero: n'okukolimirwa, bwe mu-taawulirenga biragiro bya Mu-kama Katonda wammwe.

## OKWATULA KRISTO KYETAAGISA

### **Abafiripi 2:11**

Era buli lulimi lwatulenga nga Yesu Kristo ye Mukama waffe, Katonda Kitaffe aweebwe ekitiibwa.

### **Abaruumi 10:9, 10**

Kubanga bw'oyatula Yesu nga ye Mukama n'akamwa ko, n'okkiriza mu mutima gwo nti Katonda yamu zuukiza mu bafu, oliroko-ka: kubanga omuntu akkiriza na mutima okuweebwa obutuukiri-vu, era ayatula na kamwa okulokoka.

### **Lukka 9:26**

Kubanga buli ankwatirwa ensonyi nze n'ebigambo byange, oyo

n'Omwana w'omuntu alimukwatiirwa ensonyi, lw'alijjira mu kitiiibwa kye ne mu kya Kitaawe ne mu kya bamalayika abatukuvu.

### **1 Yokaana 2:23**

Buli muntu yenna agaana Omwana, ne Kitaffe nga tali naye; ayatula Omwana, ne Kitaffe ali naye.

### **Matayo 10:32, 33**

Kale buli muntu yenna alinjatulira mu maaso g'abantu, nange ndimwatulira mu maaso ga Kitange ali mu ggulu. Naye yenna alinneegaanira mu maaso g'abantu, nange ndimwegaanira mu maaso ga Kitange ali mu ggulu.

# SETAANI — OMULABE WAFFE LÜKULWE 35

Mutamiirukukenga, mutunulenga; omulabe wammwe Setaani atambulatambula, ng'empologoma ewuluguma, ng'anoonya gw'anaalya.

—1 Peetero 5:8

Ebikolwa By'Abatum 26:18

Bakyuke okuva mu kizikiza badde eri omusana n'okuva mu buyinza bwa Setaani badde eri Katonda, balyoke baweebwe okuggibwako ebibi n'obusika mu abo abatukuzibwa olw'okukkiriza pze.

Matayo 4:1, 10, 11

Awo Yesu n'atwalibwa Omwoyo mu ddungu okukemebwa Setaani. . . Awo Yesu n'amugamba nti Vaawo genda, Setaani: kubanga kyawandiikibwa nti Osinza-

nga Mukama Katonda wo, era omuweerezanga yekka. Awo Setaani n'amuleka; laba, bamalayika ne bajja, ne bamuweereza.

2 Abasessaloniika 2:9

Naye okujja kw'oyo kuli mu kukola kwa Setaani n'amaanyi gonna n'obubonero n'eby'amagero eby'obulimba.

Abaefeso 6:11

Mwambalenga ebyokulwanyisa byonna ebya Katonda, mulyoke muyinzenga okuyimirira eri enkwe za Setaani.

2 Abakkolinso 2:11

Setaani alemenga kutwekulumbalizaako: kubanga tetuli ng'abatategeera nkwe ze.

## OBUWANGUZI KU SETAANI

### 2 Abasessaloniika 2:8

Awo omujeemi oli n'alyoka abikkuka, Mukama waffe Yesu gw'a-litta n'omukka ogw'omu kamwa ke, era gw'alizikiriza n'okulabisibwa kw'okujja kwe.

### Yakobo 4:7, 8

Kale mujeemulukukirenga Katonda; naye mulwanenga ne Setaani, naye anaabaddukanga. Musembererenga Katonda, naye anaabasembereranga mmwe.

### Abaebbulaniya 2:14

Kale kubanga abaana bagatta omusaayi n'omubiri, era naye yennyini bw'atyo yagatta ebyo; olw'okufa alyoke azikirize oyo

eyalina amaanyi ag'okufa, ye Setaani.

### Abaruumi 8:35, 37

Ani alitwawukanya n'okwagala kwa Kristo? kulaba nnaku, oba kulumwa, oba kuyigganyizibwa, oba njala, oba kuba bwereere, oba kabi, oba kitala?... Naye mu ebyo byonna tuwangudde n'okukirawo ku bw'oyo eyatwagala.

### 1 Yokaana 3:8

Akola ekibi wa Setaani; kubanga okuva ku lubereberye Setaani akola ebibi. Omwana wa Katonda kyeyava alabisibwa amalewo ebikolwa bya Setaani.

# OKWAGALA, KE KABONERO K'OBUYIGIRIZWA 37

## 1 Yokaana 4:20

Omuntu bw'ayogera nti Njagala Katonda, n'akyawa muganda we, mulimba; kubanga atayagala muganda we gwe yali alabyeko, Katonda gw'atalabangako tayinza kumwagala.

Bwe njogera n'ennimi z'abantu n'eza bamalayika, naye nessiba na kwagala, nga nfuuse ekikomo ekivuga n'ebitaasa ebisaala. —1 Abakkolinso 13:1

## Yokaana 21:16

N'amugamba nate omulundi ogw'okubiri nti Simooni, omwana wa Yokaana, onjagala? N'amugamba nti Weewaawo, Mukama wange; ggwe omanyi nga

nkwagala. N'amugamba nti Lundanga endiga zange.

## Yokaana 13:35

Bonna kwe banaategeereranga nga muli bayigirizwa bange, bwe munaabanga n'okwagalana mwekka na mwekka.

## Abaggalatiya 5:22, 23

Naye ebibala by'Omwoyo kwe kwagala, okusanyuka, emirembe, okugumiikiriza, ekisa, obulungi, okukkiriza, obuwombeefu, okwegendereza.

## 1 Yokaana 3:14

Ffe tumanyi nga twava mu kufa ne tuyingira mu bulamu, kubanga twagala ab'oluganda. Atayagala abeera mu kufa.

## OKUZUUKIRA KWA KRISTO YESU

**Ebikolwa By'Abatume 10:39-41**

Naffe tuli bajulirwa b'ebigambbo byonna bye yakola mu nsi y'Abayudaaya ne mu Yerusaalemi; oyo ne bamutta bwe baamuwanika ku muti. Oyo Katonda n'amuzuukiriza ku lunaku olw'okusatu n'amulaga mu lwatu, si mu bantu bona naye mu bajulirwa Katonda be yalonda olube-reberye, be ffe abaalya ne tunywa naye bwe yamala okuzuukira mu bafu.

**Yokaana 20:26-28**

Oluvannyuma nga wayiseewo ennaku munaana, ate abayigiri-zwa be baali munda, ne Tomasi ng'ali nabu, Yesu n'ajja, enzigi-

nga ziggaddwawo, n'ayimirira wakati mu bo n'agamba nti Emirembe gibe mu mmwe. Awo n'agamba Tomasi nti Leeta wano olunwe lwo olabe ebibatu byange; era oleete n'omukono gwo, ogusse mu mbiriizi zange; oleme okuba atakkiriza naye akkiriza. Tomasi n'addamu n'amugamba nti Ggwe Mukama wange, era Katonda wange.

**Makko 16:9**

Awo bwe yamala okuzuukira mu makya ku lunaku olw'olube-reberye ku nnaku omusanvu n'asooka okulabikira Malyamu Magdaleene gwe yagobako dayimooni omusanvu.

# OKUZUUKIRA, ESSUUBI LYAFFE ERY'EKITIIBWA

39

## Matayo 16:21

Yesu n'asookera awo okubuulira abayigirizwa be nti kimugwanira okugenda e Yerusaalemi, okubonyaabonyezebwa ennyo abakadde ne bakabona abakulu n'abawandiisi, n'okuttibwa, ne ku lunaku olw'okusatu okuzuukizibwa.

## Abaruumi 6:3-5

Oba temumanyi nga ffe fenna, abaabatizibwa okuyingira mu Kristo Yesu, nga twabatizibwa kuyingira mu kufa kwe? Kyetwava tuziikibwa awamu naye mu kubatizibwa okuyingira mu kufa:

nga Kristo bwe yazuukizibwa mu bafu olw'ekitiibwa kya Kitaawe, bwe tutyo naffe tutambuliringa mu bulamu obuggyga. Kubabolanga twagattibwa wamu naye mu kifaananyi ky'okufa kwe, era tuligattibwa ne mu kifaananyi ky'okuzuukira kwe.

## Yokaana 5:28, 29

Temwewuunya ekyo: kubanga ekiseera kijja bonna abali mu ntaana lwe baliwulira eddoboozi lye, ne bavaamu; abo abaakolanga ebirungi balizuukirira obulamu; n'abo abaakolanga ebitasaana balizuukirira omusango.

## OBUTUUKIRIVU ERI MUKAMA

**Lukka 1:74, 75**

**Okukituwa ffe; ffe bwe tuloko-lebwa mu mikono gy'abalabe ba-ffe, tulyoke tumuweereze nga te-tuliiko kye tutya, mu butukuvu ne mu butuukirivu mu maaso ge-ennaku zaffe zonna.**

**Kale bwe tulina ebyasuubizi-bwa ebyo, abaagalwa, twenaaze-ngako obugwagwa bwonna obw'o-mubiri n'obw'omwoyo, nga tutuu-kiriza obutukuvu mu kutya Katonda.** —2 Abakkolinso 7:1

**2 Timoseewo 2:21**

**Kale omuntu bwe yeerongoo-saako ebyo, anaabeeranga ekintu-eky'ekitiibwa, ekyatukuzibwa, ekisaanira omwami okuweereza-**

**nga, ekyalongooserezebwa buli mulimu omulungi.**

**1 Peetero 1:2**

**Nga bwe yasooka okutegeera Katonda Kitaffe, mu kutukuza kw'Omwoyo, olw'okugonda n'o-kumansirwako omusaayi gwa Yesu Kristo: ekisa n'emirembe byeyongerenga gye muli.**

**1 Peetero 1:15**

**Naye ng'oyo eyabayita bw'ali omutukuvu era nammwe mubee-renga batukuvu mu mpisa zonna.**

**2 Timoseewo 2:15**

**Fubanga okweraga ng'osiimi-bwa Katonda, omukozi atakwa-tibwa nsonyi, ayisa wakati ekigambo eky'amazima.**

# OBUTUUKIRIVU ERI MUKAMA

**Isaaya 35:8**

Era eribayo oluguudo, n'ekkubo, era liriyitibwa nti Kkubo lya butukuvu; abatali balongoofu tebaliriyitamu; naye liriba lya bali: abatambuze, weewaawo abasirusiru, tebaliriwabiramu.

**Abaebbulaniya 13:12**

Era ne Yesu kyeyava abonabonera ebweru wa ankaaki, alyoke atukuze abantu n'omusaayi gwe ye.

**1 Yokaana 1:9**

Bwe twatula ebibi byaffe, ye wa mazima era omutuukirivu okutusonyiwa ebibi byaffe, n'okutunaazaako byonna ebitali bya butuukirivu.

**Matayo 3:11**

Nze mbabatiza na mazzi olw'okwenenya: naye oyo ajja ennyuma wange ye ansinga amaanyi, sisaaanira na kukwata ngatto ze: oyo alibabatiza n'Omwoyo Omutukuvu n'omuliro.

**Abaefeso 1:4**

Nga bwe yatulondera mu ye ng'ensi tennaba kutondebwa, ffe okubeera abatukuvu abatalina kabi mu masso ge mu kwagala.

**2 Peetero 3:11**

Ebyo byonna bwe bigenda okusaanuuka bwe bityo, mugwanidde kubeeranga mutya mu mpisa entutukuvu n'okutyanga Katonda.

## ABANTU ABAJJUDDE OMWOYO

**Ebikolwa By'Abatume 1:8**

Naye muliweebwa amaanyi,  
Omwoyo Omutukuvu bw'alimala  
okujja ku mmwe, nammwe mu-  
naabanga bajulirwa bange. . .

**Ezeekyeri 36:27**

Era nditeeka omwoyo gwange  
munda mu mmwe, ne mbatambu-  
liza mu mateeka gange, era muli-  
kwata emisango gyange ne mugi-  
kola.

**Abaruumi 8:9**

Naye mmwe temuli mu mubiri,  
wabula mu mwoyo, oba ng'Omwo-  
yo gwa Katonda atuula mu  
mmwe. Naye omuntu bw'ataba na  
Mwoyo gwa Kristo, oyo si wuwe.

**Lukka 11:13**

Kale oba nga mmwe ababi mu-  
manyi okuwa abaana bammwe  
ebirabo ebirungi, talisinga nnyo  
Kitammwe ali mu ggulu okuwa  
Omwoyo Omutukuvu abamusa-  
ba.

**Ebikolwa By'Abatume 4:31**

Bwe baamala okusaba, mu kifo  
we baakuŋŋaanira ne wakankana;  
bonna ne bajjula Omwoyo Omu-  
tukuvu, ne boogera ekigambo kya  
Katonda n'obuvumu.

**Ebikolwa By'Abatume 13:52**

Abayigirizwa ne bajjula essa-  
nyu n'Omwoyo Omutukuvu.

# EBISUUBIZO EBY'EKITALO ERI ABAKRISTAAYO

43

Zabbuli 34:18

Mukama ali kumpi n'abo abalina omutima ogumenye. Era awonya abalina omwoyo oguboneredde.

Kubanga bino byonna omuko-no gwange gwe gwabikola, era ebyo byonna ne bibaawo bwe bityo, bw'ayogera Mukama: naye omwavyu era alina omwoyo oguboneredde era akankanira ekigambo kyange ye wuuyo gwe nditunuulira. —Isaaya 66:2

Okubikkulirwa 21:4

Naye alisangula buli zziga mu maaso gaabwe; era okufa tekulibaawo nate; so tewaabengawo

nate nnaku newakubadde okukaaba newakubadde okulumwa; eby'olubereberye biweddewo.

Zabbuli 37:3

Weesigenga Mukama, okolenga obulungi; beeranga mu nsi, ogobererenga obwesigwa.

1 Peetero 4:12, 13

Abaagalwa, temwewuunyanga olw'okwokebwa okuli mu mmwe, okujja gye muli olw'okubakema, ng'abalabye eky'ekitalo: naye, kubanga mussa kimu mu bibonoo-bono bya Kristo, musanyukenga; era ne mu kubikkulibwa kw'ekitiibwa kye mulyoke musanyuke n'okujaguza.

# EBISUUBIZO ERI ABAKEMEDDWA

**Abaebbulaniya 2:18**

Kubanga olw'okubonyaabonyezewa ye yennyini ng'akemebwawa, kyava ayinza okubayamba abo abakemebwawa.

**Abaruumi 16:20**

Era Katonda ow'emirembe alibetenta Setaani wansi w'ebigere byammwe mangu. Ekisa kya Mukama waffe Yesu Kristo kibeerenga nammwe.

**Zabbuli 34:19**

Ebibonoobono eby'omutuukirivu bye bingi: naye Mukama amulokola mu byonna.

**Isaaya 43:2**

Bw'onooyitanga mu mazzi, naabeeranga naawe; ne mu migga, te-

girikusaanyaawo: bw'onootambulanga ekuyita mu muliro too-siriirenga; so n'omuliro tegulyakira ku ggwe.

**Abaruumi 8:28**

Era tumanyi nti eri abo abagalala Katonda era abayitibwa ng'okuteesa kwe bwe kuli, ebantu byonna abibakolera wamu olw'obulungi.

Siwali kukema okubakwata okutali kwa bantu: naye Katonda mwesigwa, ataabaganyenga kukebebwa okusinga bwe muyinza; naye awamu n'okukemebwawa era anassangawo n'obuddukiro, mulyoke muyinzenga okugumiiki-  
riza.

—1 Abakkolinso 10:13

## Okubikkulirwa 2:7

Alina okutu awulire Omwoyo ky'agamba ekkanisa. Awangula ndimuwa okulya ku muti ogw'obulamu, oguli wakati mu lusuku lwa Katonda.

## Okubikkulirwa 3:5

Bw'atyo awangula alyambazi-bwa engoye enjeru; so sirisangula n'akatono linnya lye mu kitabo ky'obulamu, era ndyatula erinnya lye mu maaso ga Kitange, ne mu maaso ga bamalayika be.

## Okubikkulirwa 3:12

Awangula ndimufuula empagi mu yeekaalu ya Katonda wange, so talifuluma nate bweru: nange

ndiwandiika ku ye erinnya lya Katonda wange, n'erinnya ly'ekibuga kya Katonda wange, Yerusaalemi ekiggya, ekikka okuva mu ggulu eri Katonda wange, n'erinnya lyange eriggya.

## Okubikkulirwa 3:21

Awangula ndimuwa okutuula awamu nange ku ntebe yange ey'obwakabaka, era nga nange bwe nnawangula, ne ntuula wamu ne Kitange ku ntebe ye ey'obwakabaka.

## Okubikkulirwa 21:7

Awangula alisikira ebyo: nange nnaabeeranga Katonda we, naye a naabanga mwana wange.

# KATONDA AYOGERA KU BY'OKUGOBA OMUKAZI

Lukka 16:18

Buli muntu yenna anaagoba-nга mukazi we n'awasa omulala, ng'ayenze; n'oyo anaawasanga eyagobebwa bba ng'ayenze.

1 Abakkolinso 7:10, 11, 39

Naye abaamala okufumbiriga-nwa mbalagira, so si nze wabula Mukama waffe, omukazi obutanobanga ku musajja we (naye okunoba bw'anobanga, abeerenga awo obutafumbirwanga, oba atabaganenga ne musajja we); era n'omusajja obutalekangayo mukazi we.... Omukazi asibibwa musajja we ng'akyali mulamu; naye musajja we bw'aba nga

yeebase, nga wa busa afumbirwenga gw'ayagala; kyokka mu Mukama waffe.

Kubanga omukazi afugibwa bba ng'akyali mulamu; naye bba bw'afa, ng'asumuluddwa mu matteeka ga bba. Kale bwe kityo bba bw'aba ng'akyali mulamu bw'anaabanga n'omusajja omulala, anaayitibwanga mwenzi: naye bba bw'afa, nga wa busa eri amatteeka . . . . —Abaruumi 7:2, 3

Naye nange mbagamba nti buli muntu agobanga mukazi we, wabula ogw'obwenzi, ng'amwenzezza: n'oyo awasanga gwe baagoba, ng'ayenze. —Matayo 5:32

## Yokaana 14:3

Era oba nga ijenda okubatee-kerateekera ekifo, ndikomawo nate ne mbatwala gye ndi; nze gye ndi, nammwe mubeere eyo.

## Okubikkulirwa 3:11

Njija mangu: nyweza ky'olina, omuntu yena aleme okutwala engule yo.

## Matayo 24:27

Kubanga ng'okumyansa bwe kuva ebuvanjuba, ne kulabikira ebugwanjuba; bwe kutyo bwe kiliba okujja kw'Omwana w'omuntu.

## Makko 8:38

Kubanga buli ankwatirwa ensonyi nze n'ebigambo byange mu

mirembe gino egy'obwenzi era emibi, n'Omwana w'omuntu ali-mukwatirwa ensonyi oyo lw'ali-jjira mu kitiiibwa kya Kitaawe ne bamalayika abatukuvu.

## Matayo 24:30

Awo lwe kalirabika akabonero ak'Omwana w'omuntu mu ggulu: n'ebika byonna eby'ensi lwe birikuba ebiwoobe, biriraba Omwana w'omuntu ng'ajja ku bire eby'eggulu n'amaanyi n'ekitiibwa ekinene.

## Yakobo 5:8

Era nammwe mugumiikirizinga; munywenzenga emitimta gya-mmwe: kubanga okujja kwa Mukama waffe kuli kumpi.

# OKUKOMAWO KWA KRISTO

Yokaana 3:2

Abaagalwa, kaakano tuli baana ba Katonda, so tekinnalabisibwa kye tuliba. Tumanyi nti bw'alirabisibwa tulifaanana nga ye; kubanga tulimulaba nga bw'ali.

Okubikkulirwa 16:15

(Laba, njija ng'omubbi. Aweereddwa omukisa atunula, n'akuuma ebyambalo bye, aleme okugenda obwerefere era baleme okulaba ensonyi ze.)

Lukka 12:40

Nammwe mweteeketeekenga: kubanga Omwana w'omuntu ajira mu kiseera mwe mutalowoleza.

Ebikolwa By'Abatume 1:11

Abaayogera nti Abantu b'e Ggaliraaya kiki ekibayimiriza nga mutunuulira mu ggulu? Oyo Yesu abaggiddwako 'okutwalibwa mu ggulu alijja bw'atyo nga bwe mulabye ng'agenda mu ggulu.

Matayo 16:27

Kubanga Omwana w'omuntu agenda kujjira mu kitiiibwa kya Kitawewe ne bamalayika be; n'a-lyoka asasula buli muntu nga bwe yakola.

Lukka 21:27

Ne balyoka balaba Omwana w'omuntu ng'affira mu kire n'a-maanyi n'ekitiibwa kinene.

## **EKIGAMBO KYA KATONDA**

**Eggulu n'ensi biriggwaawo;  
naye ebigambo byange tebi-  
riggwaawo n'akatono.**

**-Lukka 21:33**

**Naye Yesu n'addamu n'aba-  
gamba nti Mukyama olw'o-  
butamanya ebyawandiiki-  
bwa, newakubadde amaanyi  
ga Katonda. -Matayo 22:29**

**Kubanga siwali kigambo  
kyा bannabbi ekyali kireete-  
ddwa mu kwagala kw'aba-  
ntu: naye abantu baayoge-  
ranga ebyava eri Katonda,  
nga bakwatiddwa Omwoyo  
Omutukuvu. -2 Peetero 1:21**

**Buli ekyawandiikibwa kiri-  
na okuluujjamya kwa Ka-  
tonda, era kigasa olw'okuyi-  
girizanga, olw'okunenyanga,  
olw'okutereezanga, olw'oku-  
buulira okuli mu butuuki-  
rivu. -2 Timoseewo 3:16**

**Nterese ekigambo kyo mu  
mutima gwange, nneme  
okwonoona mu maaso go.**

**-Zabbuli 119:11**

**Ekigambo kyo ye ttabaaza  
eri ebigere byange, n'omu-  
sana eri ekkubo lyange.**

**-Zabbuli 119:105**

Text reprinted from the Bible in Luganda by permission of United Bible Societies, Africa Regional Center,  
Nairobi, Kenya.

---

Published in numerous languages by World Missionary Press as God supplies  
funds in answer to prayer. Other booklets are also available. If you would like  
more copies for careful distribution, please write in English to:

World Missionary Press, Inc.  
P.O. Box 120  
New Paris, Indiana 46553-0120 USA

Uganda

183 Luganda HFA